

續山東考古錄卷之十六

滄州葉圭綬子佩甫述

青州府中

高苑縣

周齊狄邑 亦作翟

史記田單攻狄三月不下按卽漢狄縣後漢志臨濟下劉昭

注地道記曰狄伐衛懿公按伐衛之狄非此 縣有衛靈公冢按魏志長樂縣

有王陵冢衛靈疑王陵之訛

漢青州千乘郡治千乘縣又狄縣被陽縣又高苑縣地 濟川墟是

千乘南北二城在北二十五里 二城隔會水卽濼也或一縣城一郡城或縣徙治均未詳

續山東考古錄 卷十六 高苑縣 一 蝸角尖廬

狄縣故城在西北二里寰宇記稱如狄城未詳

被陽縣故城在西八十步

後漢青州樂安國治臨濟縣永平三年爲千乘國四年爲郡 王建

卒無 建初四年仍爲國永元七年改名樂安 和帝紀改千乘國爲樂安國章懷注

千乘故城在今淄州高苑縣北樂安故城在今青州博昌縣南按收國名樂安與樂安縣無涉注殊混 移治狄縣

水初二年改狄爲臨濟質帝時國除爲郡 徙封渤海 又千乘縣又高

苑縣地魏因之晉初爲國元康中爲郡 殤王籍卒無後 省千乘縣

通鑑章邯已被陳王乃進兵擊魏於臨濟胡注後漢志陳留

郡平邱縣有臨濟亭水經注曰田儋死處史記正義曰今齊

州臨濟也又云故城在淄州高苑縣北二里余按 胡按 正義所



云臨濟田儋起狄縣是也非魏王咎所居臨濟也後漢志及水經注爲是按田儋起於千乘之狄縣而死於陳留之臨濟楚漢之際狄無臨濟名臨濟無狄名後漢安帝以田儋起於此而死於彼狄縣恰臨濟水濟水又有狄名遂改狄爲臨濟正義以後漢臨濟縣爲秦臨濟亭而齊州臨濟乃漢朝陽管縣地旣知故城在高苑又引隋唐臨濟何爲乎齊乘以平邱臨濟爲故狄地蓋誤於水經注臨濟故狄之文耳 齊乘臨濟後省入高苑考劉宋於臨濟置渤海郡高苑亦僑置平原等縣高齊省并諸縣高苑故地有入長樂者謂省高苑入臨濟則大誤

續山東考古錄

卷十六

高苑縣

二

蝸角尖廬

晉志樂安國首高苑或據此謂晉國治移高苑考晉志居首之縣非郡國治者甚多未敢從

劉宋僑冀州渤海郡治長樂縣宋僑置長樂於臨濟城郡治縣之被陽故城樂安郡移治今樂安臨濟移今齊東境又樂陵郡陽信縣地有千乘城詳博興後魏渤海僑郡屬青州

魏志青州渤海郡故臨淄地考水經注臨濟有南北二城隔濟水南城卽被陽縣故城今渤海僑郡治據寰宇記宋長樂縣卽臨濟城此淄字乃濟字訛耳 劉宋志渤海太守長樂令下晉之長樂郡也疑是江左省爲縣至是又立按晉長樂郡析渤海置乃實土與此無涉江左省爲縣又僑置於南冀



州者與此尤無涉 寰宇記高苑縣千乘故城條云宋置樂安郡於此按宋樂安郡移置漢巨淀城此誤詳樂安 紀要宋長樂縣卽今高苑縣治誤

高齊青州 郡長樂縣周因之

齊長樂縣卽今縣治寰宇記被陽故城在縣西南八十步齊自如狄故城移長樂縣理此按縣治高齊迄今未再徙蓋於故渤海郡城東北隅立縣治城小於古城後古城廢而西南八十步有遺址非截然兩城故記謂移治被陽故城也又云齊廢渤海郡長樂屬長樂郡考隋志高苑下不書齊置長樂郡他縣亦無此郡未知所據闕疑俟考

續山東考古錄

卷十六

高苑縣

三 蝸角尖廬

隋齊州高苑縣開皇十六年改長樂為會城縣大業三年又改

隋亂廢

隋取縣東南平安故城俗名改長樂為會城紀要疑會城縣治彼非是寰宇記隋取縣東南高苑故城為名蓋漢高苑東城元以前本屬高苑也紀要稱高苑故城在高苑東北繆

唐河南道淄川郡高苑縣武德元年屬鄒州八年來屬元和十

五年省濟陽縣入之今隸鄒平 五代因之

宋京東東路淄川郡高苑縣景德三年於縣置宣化軍縣屬焉

尋以縣令兼軍使還屬

宋志景德三年以縣置宣化軍尋廢軍為縣隸州卽縣治置



軍使按初非改縣爲軍後亦非廢軍爲縣縣治猶置軍使則軍號並未廢特以縣兼之仍屬州耳

金山東東路淄州高苑縣除宣化軍號

元都省山東益都路高苑縣南境析入新城

明山東布政司青州府高苑縣

國朝因之

縣志乾隆二十二年修沿革夏禹青州之域地名宛牆按

高宛爲齊苑囿俗傳耳豈夏后氏已有此名耶 漢初爲

丙倩侯國復析置翟披陽高苑三縣按此沿齊乘之繆而

愈甚者齊乘云漢初爲丙倩侯國後爲縣抑知漢侯國卽縣耶然于氏猶專指高苑此并及翟被陽二縣愈

續山東考古錄

卷十六

高苑縣

四 蝸角尖廬

繆

晉封裴秀爲侯國按封以高苑濟川墟方六十里非

統一縣封之也 唐析置濟陽縣引齊乘云在濟南府東

北九十里按齊乘引寰宇記誤在州北作縣北此又誤作

濟南府直以爲今濟陽縣矣 宋置宣化軍金復高苑誤

樂安縣

漢青州齊郡鉅定縣廣饒縣千乘郡琅槐縣後漢三縣並廢或云廣饒未廢或云後復魏因之

鉅定縣卽今縣治

詳下

廣饒縣故城在東北二十里水經注自東安平縣北又東逕巨淀縣

故城南縣東南則巨淀蓋以水受名又東北逕廣饒縣故城



南又時澠水自利縣北又東北逕巨淀縣故城北又東北逕廣饒縣故城北是巨淀城在安平東北利縣東淄北時澠南巨淀西北今治在石槽城東北利城店東二十里淄水在城南二十許里福民河時澠道也在其北清沙泊巨淀湖也在其東南其爲漢巨淀縣城明矣舊謂今治爲廣饒城果爾則巨淀城當在今治西是巨淀城與巨淀中隔一廣饒縣巨淀安能在其東南且不當以巨淀名縣矣紀要禹貢錐指並云廣饒城在縣東北二十里從之

琅槐縣故城在東北

里水經注應劭曰博昌東北八十里琅槐鄉故縣也當在縣北稍東舊說在東北百十里則

續山東考古錄

卷十六

樂安縣

五 蝸角尖廬

至博昌故城不止八十里矣似誤俟再考

元和志千乘縣千乘者以齊景公有馬千駟畋於青邱得名今縣北有青邱因以爲名寰宇記同考千乘故城在高苑北旣是千乘縣所由名則與劉宋後之千乘縣無涉矣齊乘於千乘故城引此最當又引縣北有青邱灤卽今清水泊又引子虛賦注云青邱山在海外出九尾狐蓋瀕海耳按青水泊卽巨淀不惟不在千乘故城北並不在今縣北子虛賦自指海外之青邱服虔曰青邱國在海東三百里唐伐高麗有青邱道大總管更無容與此青邱牽混于氏又於下加灤字山名變作水名而牽入清水泊或據此謂樂安爲齊青邱邑水名又誤作邑名矣今不取



後漢志無廣饒縣而魏志廣饒下云二漢晉屬補三國志云漢中興後省疑漢末復立理或然也

晉青州齊郡廣饒縣及樂安國博昌縣地琅槐後漢省入博昌

劉宋僑冀州樂安郡治千乘縣宋移郡來治巨淀故城並復置

千乘縣於此廣饒疑徙東安平地見臨淄後魏樂安僑郡屬青州齊周因之

隋志千乘下舊置樂安郡開皇初廢是齊周皆因魏舊

隋青州北海郡千乘縣開皇初廢樂安郡來屬十八年析博昌置新

河縣大業初省入博昌新河縣即琅槐故地宋魏齊周末詳屬何縣

新河縣故城在北少東一百里今新河鎮九域志千乘有新

鎮即新河故治也紀要引志云在縣西南考隋置新河以博

續山東考古錄 卷十六 樂安縣 六 蝸角尖廬

昌東北土宇遼濶故也若縣西南乃博昌東南去縣及臨淄

皆不過三四十里何須別置一縣乎新河鎮在大河漯河入

海處或故道有改移因以名縣縣西南無由以新河名縣也

唐河南道青州北海郡千乘縣武德二年於縣置乘州復置新河縣

六年省入千乘八年州廢來屬五代因之

宋京東東路青州北海郡千乘縣

金山東東路益都府樂安縣天眷元年改金志不載何年改茲姑從縣志

寰宇記千乘縣隋移縣於今所即漢廣饒縣地高苑下千乘

故城條云宋於此置樂安郡開皇三年移千乘縣於廣饒城

齊乘同紀要廣饒城隋縣廢改置千乘縣此廣饒城劉宋已廢此誤金人又



置樂安縣於今治按隋徙廣饒既難深信金徙今治更少實  
徵考隋志千乘下云舊置樂安郡蓋自劉宋以來千乘故城  
屬陽信僑縣則千乘縣早非舊治隋志稱舊郡乃宋魏齊周  
之樂安郡卽宋魏齊周之千乘縣樂氏不知劉宋已徙千乘  
於此誤稱置郡於古千乘城而隋唐宋之千乘縣卻非漢治  
遂以隋廢郡之年作徙縣之年一經道破其誤顯然或謂宋  
徙廣饒城隋又徙今治今治至府里八十淄水在南二十里數  
皆與元和志同說自可從但隋代本無徙治事樂氏因不知  
千乘故地早屬僑陽信樂氏於陽信縣反而有此誤正不必  
曲爲之辭也禹貢錐指曰晉復置廣饒劉宋改曰千乘歷代  
續山東考古錄

卷十六

樂安縣

七

蝸角尖廬

因之金改曰樂安是今治卽劉宋所徙最爲卓見樂氏或曰  
廣饒地或曰廣饒城蓋廣饒復置巨淀故城實屬之宋徙治  
時巨淀故城猶存徙於廣饒之巨淀城不知者遂謂徙廣饒  
城耳金徙今治遍考無此說今治卽唐宋縣治歷有明據因  
不知徙廣饒時卽今治以金改今名遂謂金徙今治與樂氏  
之誤正出一轍 舊唐志千乘縣漢千乘國當作郡後漢樂安  
郡當作國宋齊廢隋置千乘縣按此竟不知隋縣非漢治宋有  
千乘當是高齊廢然齊千乘並未廢繆甚

元都省山東益都路樂安縣

明山東布政司青州府樂安縣



國朝因之

縣志雍正十一年修建置漢樂安當在博昌南誤 北齊

知縣李方膺

改博昌為樂安乃省樂安人博昌按齊改樂陵為樂安樂

安晉省非齊省 千乘南北二城濟水行其間故曰臨濟

按誤以狄與被陽兩城為千乘二城又誤臨濟為千乘改

劉裕雖收復建置多不可考又云漢劉淵趙燕秦宋魏齊

周皆非一統故不書按縣之名千乘正昉劉宋沈魏之書

具在此云不可考以文其陋耳南北朝與十六國並論尤

不合

壽光縣

續山東考古錄

卷十六

壽光縣

八 蝸角尖廬

夏斟灌國周紀國後入齊為劇邑

斟灌國故城在東北四十里一稱灌亭一稱東壽光城今斟

灌店春秋襄公四年左傳魏絳曰寒浞使澆用師滅斟灌及

斟尋氏杜注樂安壽光東南有灌亭漢書應劭注古斟灌禹

後今壽光灌亭是水經注堯水逕東西壽光二城間應劭杜

預云云括地志斟灌故城在壽光縣東五十四里厯考諸書

皆言斟灌在壽光斟尋在平壽無異說也其謂斟灌即畔觀

斟尋在河南者特因竹書紀年太康居斟尋后相依鄩侯之

文辭瓚注漢書即疑之至今無定論余即諸書所載寒浞事

反覆研究知二斟確在此不在彼也後漢志平壽有寒亭寒



泥封此通典壽光下亦載寒泥國詳濰縣蓋泥見棄於其君而

事羿之後還封宗國殺羿而代夏政仍其故都古諸侯為天

子皆都本國不改羿主夏政亦國於窮羿自鉏遷窮石因代夏政泥殺羿而食其

子其子死於窮門是羿都於窮左傳有明證紀年稱羿亦居斟灌不足信則寒泥之都寒可知也

二斟者夏之近宗二斟禹後禹至后相僅四世則二斟與后相有服之親也寒之鄰土固

泥所急欲滅絕以廓其境而除其逼也於是命澆先滅斟灌

灌在寒西尤近也又以舟師溯濰水以伐斟鄩覆其舟於濰

水而滅之夫泥殺羿因羿室而生澆紀年相八年寒泥殺羿使其子澆居過會不知

殺羿方有其室而生澆當殺羿時安有澆其人耶至澆能用師年至少亦須十六七

歲此十餘年中已居寒國聽夏后居安邑奸雄行事必不出

續山東考古錄 卷十六 壽光縣 九 蝸角尖廬

此是挾夏后以俱東后相以同姓故就近灌鄩焉依皆情理

所有二斟既滅始行弑逆后緡逃有仍今濟寧州也臣靡奔

鬲今德州也少康生於仍而奔於虞今曹州南接壤之河南

虞城縣也泥封澆於過以為近藩掖縣處豷於戈以防夏眾少

康既長老臣靡乃自鬲東伐收二斟之燼俾為內應用誅寒

泥於寒少康復位即自帥就近誅澆於過儻泥在夏都或居

窮石豈肯使維城宗子遙處東萊少康反正遠離京邑遠伐

海隅皆必無之理也觀寒泥始終及其時事皆在今山東境

知泥之都寒無疑而二斟之先滅或后相會依之無妨在壽

光平壽矣紀年所載羿泥事全本在氏而矛盾處甚多於太康元年書帝居斟鄩敗於洛表於后相二十七年



又言澆伐斟鄩大戰於濰則敗洛表者之非居斟鄩可知至  
未有羿室而巳有澆尤千古笑柄蓋紀年乃魏國之史如魯  
春秋只本國事其上及三代又上及黃帝以來晉宋人偽作  
耳卽據紀年二斟亦無害在壽光平壽有覆舟之役在也特  
後人不知寒泥都寒因有去夏都太遠之疑而以畔觀鄩城  
當之抑知畔觀乃姚姓並非禹後鄩城乃周大夫之邑乎  
春秋隱公元年紀人伐夷杜注紀國在今東莞劇縣水經注  
劇縣古紀國也後改曰劇魯連子曰胸劇之人辨者也

漢青州北海郡壽光縣益縣平望縣樂望縣又留川國治劇縣

文帝十六年

地志作十八誤

析齊置留川國

留川領三縣漢書高五王傳宣帝五鳳中削留川四

縣蓋初領七縣。儒林傳顏安樂授淮陽冷豐次君豐留川太守考顏爲睦孟門人孟昭帝時以說災異誅豐當爲宣元時人淄川自立國未當改郡不當有太守再考

壽光縣故城在東北二十里俗曰牟城

王莽曰翼平亭牟似平訛也或又訛羊城

續山東考古錄

卷十六

壽光縣

十 蝸角尖廬

水經注巨洋水

自辟閭渾墓東

又東北逕益縣故城東又東北過壽

光縣西又云堯水逕東西壽光二城間今牟城在益城東北

巨洋水東堯水西斟灌城西北卽壽光故城無疑

益縣故城在南七里齊乘云益都本漢侯國武帝封留川懿

王子胡爲侯國故城在壽光南按此混益縣城益都侯城爲

一矣

益都侯城詳雜考

平望縣故城在東北五十里水經注巨洋

自壽光西

又東北逕望

海臺西

後漢書章懷注平望城又稱平望臺

伏琛晏謨並以爲平望亭在平壽

縣故城西八十里

樂望縣故城在東四十里今王望店齊乘樂望城壽光東二



十里今日王望店按王望店在東四十里在東二十里者乃

樂城詳但于氏以王望店為樂望縣未知所據姑從之後漢書王

望字慈卿遷青州刺史時州郡災旱望行部見饑者裸行草食五百餘人愍然哀之因以便宜出所在布粟給其廩糧為作褐衣按望琅邪人見前劉平傳此地或其行部施惠之所後人因以名之以寄甘棠之愛未可知也于氏說恐因一望字臆度之又齊國有門下掾名王望見後漢書吳良傳並識於此

留川國劇縣故城在南二十五里水經注劇縣城之北側有

故臺臺西有方池晏謨曰西去齊城九十七里按此即紀國

城今故址內猶有故臺通典壽光下有紀國城在縣南又漢

劇縣故城在縣南寰宇記紀城古紀侯之國今廢城在縣南

又云劇南城故紀國漢曾為劇縣今城亦在縣南按漢有兩

續山東考古錄 卷十六 壽光縣 土 蝸角尖廬

劇縣一屬北海今在昌樂而西北去紀城四五里一即紀城

留川國治之名同地近後人稱隸北海者為劇南城以示別

酈道元已混兩為一通典以一為紀國以一為漢縣寰宇記

本之而誤謂兩城皆紀國蓋世不知漢有兩劇縣也久矣

史記公孫宏傳齊菑川國薛縣人也漢書同惟無齊字前錄

云薛屬魯國儒林傳言薛人公孫宏是宏審為薛人上言齊

菑川者誤耳按凡字之誤或音近而轉或形近而訛魯字與

菑川二字傳寫稱述斷無相訛誤之理况菑川上又有齊字

耶考本傳稱宏家貧牧豕海上薛縣不近海已可證宏非薛

人又云元光五年復徵賢良文學菑川國復推上宏是儒林



傳辭字亦是誤字顧氏反據之疎矣漢志北海郡有瓠縣顏注瓠即執字王子侯表瓠節侯息史表作報師古又謂即瓠字報又瓠之訛師古則自相矛盾索隱單行本日報縣名志屬北海表作瓠韋昭以瓠為諸螫反說文玉篇皆有執無瓠

師古以為瓠即古執字王氏懷祖謂瓠為執之訛是也河東郡之

瓠 瓠縣則音孤音詳王氏讀書雜誌 瓠執與辭邊旁相似執在緝韻廣韻十六 輯有瓠字

音之入切縣名在北海 辭在屑韻音復相近蓋辭即瓠之訛瓠字諸書

不多見或竟誤讀作辭或此縣名音本作辭縣名不讀本字各从土音者甚

多皆未可知菑川本齊所分故史記猶冠齊字菑川本領七

縣宣帝時始削四縣瓠縣改隸北海故漢志瓠屬北海縣北

續山東考古錄 卷十六 壽光縣 三 蝸角尖廬

六十里有霜雪城既瀕大海又近劇縣西南去臨淄東南去

北海郡皆不遠故齊淄川北海三處皆可統轄蓋雪又辭之

訛霜又因雪加之耳近志淄川縣有孟嘗君墓既不知史記

漢書辭字為瓠字復以今淄川縣為漢淄川國則謬之謬矣

霜雪城之為瓠城本無可疑以究無他據故提綱不書漢齊國得自置二千石以下官初領七十餘城故得自置郡以

領縣或菑川國未分置之時齊已自置菑川郡而瓠縣其舊屬武帝時菑川已別為國史仍舊制書之故作齊菑川辭人

或曰烏知瓠非本屬北海考北海景帝置文帝分置菑川時其屬縣安得有北海屬乎

後漢青州樂安國壽光縣益縣北海國劇縣地建武十三年併

留川國入北海建武二年封劉終為淄川王十年卒省所治劇

縣入北海劇縣名紀亭詳昌又平壽縣地平望入魏收益縣為

樂



益都正始元年置南豐縣

南豐縣故城在西北三十里今豐城水經注巨洋水逕益縣

故城東晏謨曰南去齊城五十里司馬宣王伐公孫淵北徙

豐人

漢遼東郡無此縣疑公孫氏所置

任於此遂改名為南豐城也按益縣

城在臨淄西不得云南去齊城且八九十里非五十里也考

舊唐志元和志括地志寰宇記並稱曹魏

惟寰宇記誤作元魏

於今壽

光南十里漢益縣故城置益都縣酈注於巨洋枝津所逕益

都侯城稱為北益都城其城在益城北如非益改益都何以

稱此為北益都耶三國魏紀正始元年規齊郡之西安臨淄

昌國界為新汶南豐縣酈注與史亦不合今豐城與晏說相

續山東考古錄

卷十六

壽光縣

三 蝸角尖廬

符當為臨淄地或曰當為東安平地史誤作西安耳備考

晉青州樂安國壽光縣益縣

或曰仍魏舊名益都備考晉志誤與利縣連書詳博典

又齊

郡平壽縣地徐州東莞郡劇縣地

劉宋青州齊郡益都縣樂安郡博昌縣又僑冀州河間郡樂城

縣南皮縣後魏因之

後魏河間僑郡屬青州

齊移益都於州城北周因之

劉宋博昌縣故城在北

里舊唐志壽光縣隋移治所於

博昌城元和志壽光縣宋省開皇六年於縣北一里博昌故

城置壽光縣蓋劉宋移博昌治此也今縣北無址而齊乘引

作十里疑置於王胡城

即益都侯城

元和志訛十為一也備考

僑樂城縣故城在東南十里今樂城村一作洛城縣東南東



方莊有元縣令孟過重修龍興寺碑有云寺在縣東南十五里有石佛一座上書洛城令李某同妻李氏施北魏承明時所造按宋僑南皮縣在縣境則河間僑郡所屬約皆在此此城去龍興寺五里卽樂城僑縣明矣洛樂字俗每通用漢平樂城魏志作平洛可證見單縣

僑南皮縣故城在東北四十里今南皮臺魏志青州南皮下有望海臺按卽漢平望縣城今南皮臺與相近卽南皮僑縣矣齊乘疑南皮臺爲平望亭非是

高齊時博昌廢益都移壽光未復諸僑縣約皆省并今縣境齊周時未詳爲何縣地但元和志所謂齊廢博昌者實誤指

續山東考古錄

卷十六

壽光縣

古 蝸角尖廬

漢博昌城此博昌未必齊廢也隋改博昌爲壽光唐人以爲於博昌故城置壽光耳備考益都雖徒疑故城仍屬之

隋

青州北海郡

壽光縣開皇六年復於劉宋博昌城置十六年置閭

邱縣大業初省入壽光隋亂縣廢

紀要閭邱縣故城在縣南未詳所據

唐河南道

青州北海郡

壽光縣武德二年復屬乘州八年來屬五代

因之

唐壽光縣卽今治元和志稱隋縣在今縣北未載何時徙治蓋唐復置時卽今治矣

宋京東東路

青州北海郡

壽光縣



金山東東路益都府壽光縣

元都省山東益都路壽光縣

明山東布政司青州府壽光縣

國朝因之

縣志

嘉慶四年修知縣劉翰周

沿革周牟國繆極

因牟城而附會者又引府志云周封牟子

於齊齊人忌與臨淄相近遷牟子於牟平繆極矣

漢置益都侯國按漢益縣非

侯國 又置劇縣侯國有紀亭古紀國按侯國之劇在昌

樂紀亭之劇在縣南水經注已有此誤 又置鉅定縣按

西北或有鉅定縣地其縣治即今樂安 隋置閭邱縣大

業時改壽光誤又云隋於縣北十里博昌故城置壽光牙

續山東考古錄

卷十六

壽光縣

五 蝸角尖廬

盾又古蹟志云隋壽光在今博興境內

不知博昌爲劉宋縣故云

又矛

盾 古蹟杜預斟灌在縣東南之說似無據按灌城正在

牟城東南此不知牟城爲漢壽光也 古志云益城亦名

赤鳥城未知所出 豐城意水經注北徙豐人或即此城

之人徙之於益城故改曰南豐繆 樂望城土人呼樂城

或據碑文疑爲洛城可哂也彼乃邑人曾宰洛州洛城者

耳按此真足哂者

鹽城

即霜雪城

在西北六十里漢壽光故

城也按此誤將水經注巨洋支津北流入鉅淀句與下經

文巨洋經流又東北過壽光縣西句連讀又誤將壽光城

側積而爲潭之水

今年城側猶瀦爲泊

認作巨淀致此巨繆獨不思



鹽城巨洋不逕其西堯水不逕其東不與灌城相對耶  
南皮臺南皮之名無考何嘗無考

續山東考古錄

卷十六

壽光縣

六 蝸角尖廬